

PRESSITEEDÜS

17.05.2010

Uma Pido

Seokõrd valiti Umal Laulul kolm parõmbat vahtsõt võrokeelist laulu

16. mail Sännä kultuurimõisan peetü kolmandal Uma laulu võigõlusõl anti parõmbilõ võrokeelitsile laulõlõ vällä kolm pääpreemiat ja tetti valmis timahavadsõ Uma Pido sümbolpill - kivipill.

Pääpreemiä' saiva' Heiki Kelbi laul „Tulede ime” (ilosa sõnomi iist; ette kanni' Peeter Saar ja Tiit Kõlli), Erkki Meistri laul „Näkinäkjä” (fantaasia iist sõnomin ja kuraasi iist; viis Erkki Meister, sõna' Contra, ette kandsõ Chacha Roots) ja Urmas Kalla laul „Mõtõq Võromaast”.

Päält tuu and' žürii vällä mitu eriavvohinda: Ingrid Rüütli eriavvohind läts Kadi Hainasele laulu „Ütskõrd tulõ tagasi” iist. Kreutzwaldi hää tõlkõ iist sai eriavvohinna ansambli Analysis laulõ „Lebotaminõ” ja „Pido” iist. Žürii eriavvohinna' sai' ka Urmet Arus ja Andreas Kalkun laulu „Kui sa, nii ma” iist ja Erkki Peetsalu laul „Perismaalasõq” (julgõ joro iist). Tekstipreemiä läts Aapo Ilvesele laulõ „Kodasse pesä” ja „Kosmos” iist. Publikulõ miildü kõgõ inämb Urmet Aruse ja Andreas Kalkuni laul "Kui sa, nii ma".

Uma Laul III võistlusõ kõrraldaja Taisto Uuslail üteli, et kontsõrdilt tull' väega häste vällä, kuis võro kiil ja kultuur eläse' ja edenese'. „Uma Laul om sääne kotus, kon saa perimüse inne linti võtta, ku lugu kuulsas saa,” üteli Uuslail nal'aga poolõs ja jakas': „Uma Laulu üts pääminõ mõtõ omgi tuu, et kultuur saa püssü sis, kui taad eletäs. Võro keele man om nätä, et taa om nii elon, et õkva sünnütäs kimmäst loomingut kimmä keele ja helüpildiga. Suur rõõm om, et kõik laulu' olli' nii eri näko.”

Uma Laul III žüriin olli' folklorist Ingrid Rüütel, muusik Anu Taul, Valdo Valper (Eesti Rahvaluule Arhiiv), dirigent Riivo Jõgi ja Sten Weidebaum (Laulu- ja Tantsupeo Sihtasutus).

Inne Uma Laul III võigõluskontsõrti kirotõdi ala Uma Pido võrokeelitse' sponsorlepingu' Nopri Talomeierei ja Arke Lihatuüstüsega.

Uma Laul III kuulutõdi vällä märdsikuu lõpun ja 10. mais, miä oll' vahtsidõ võrokeelitside laulõ võigõlusõlõ esitamise tähtaig, tull' 15 laulu 17 viisi- ja tekstiautorilt. Pressiteedüssele om mano pant nimekiri kõigi Uma Laulu laulõga.

Avvohinna' panni' vällä Võro instituut, MTÜ Võro Selts VKKF, Eesti Kirjandusmuuseum, Eesti Rahvaluule Arhiiv, Eesti Maanteemuuseum, Uhtjärve Nõiariik, MTÜ Urvaste Külade Selts, MTÜ Kuldre Käsitõõtare ja Nopri Talomeierei. Kõik laulõ esitajä' sai' piledi 1. juunil peetäväle Uma Pido pääkontsõrdilõ Võru Kubija lauluväljakul.

Timahavanõ Uma Laul oll' joba kolmas säändse nimega võigõlus. 2008. a pääpreemiä saanu' Aapo Ilvese „Pristan“ ja „Lodi tuu ja lodi vii“ kantas ette timahavadsõl III Umal Pido, miä peetas 1. juunil Võru Kubija laululava pääl. 2008. aasta võigõlusõ laulõst laudas seo pido aigu viil Jan Rahmani „Määne om seo maa” ja 2010. aasta võigõlusõlt om timahavadsõl Umal Pido viil laul "Siilikene pallõl' siiga" (muusiga Mari Kalkun, sõna' Milvi Panga).

2008. ja 2010. aastgaa Uma Laulu võigõlusõlt omma mitmõ' laulu' jõudnu ka võrokeelitside laulõ CD „Määne om seo maa” pääle. Võigõlusõlõ saadet käsikirä' ja kontsõrdi videoülesvõtõ andas üle Eesti Rahvaluule Arhiivile.

Uma Laul III laulu'

1. „Perismaalasõq“

Viis, sõna': ettekandja: Erkki Peetsalu

2. „Kuis raha minno armast“

Viis ja sõna': Heiki Kelp

Ettekandja': laul - Heiki Kelp, akordionil Erja Arop

3. „Tulede ime“

Viis ja sõna': Heiki Kelp

Ettekandja': laul - Peeter Saar, kitarr - Tiit Kõlli

4. „Näkinäkjä“

Viis: Erkki Meister

Sõna': Contra

Ettekandja: Chacha Roots

5. „Priistan“

Viis: Erkki Meister

Sõna': Aapo Ilves

Ettekandja: Chacha Roots

6. „Hoia sust kinni“

Viis: Aivar Piirisild

Sõna': Ilmar Vananurm

Ettekandja: Chacha Roots

7. „Ütskõrd tulõ tagasi“

Viis ja sõna': Kadi Hainas

Ettekandja': laul - Arved Hainas, rütmipille pääl - Karoliina Kull

8. „Kodasse pesä“

Viis ja sõna': Aapo Ilves

Ettekandja: Kirivane

9. „Kosmos“

Viis ja sõna': Aapo Ilves

Ettekandja: Kirivane

10. „Mõtõq Võromaast“

Viis ja sõna': Urmas Kalla

Ettekandja: Urmas Kalla

11. „Noore lõõdsamehe laul“

Viis ja sõna': Urmas Kalla

Ettekandja': laul - Urmas Kalla, lõõts - Tarmo Noormaa

12. „Lebotaminõ“

Muusiga: Ever Haabmets

Sõna': Friedrich Reinhold Kreutzwald (tõlgõ Glen Kelp), Glen Kelp

Ettekandja: Analysis

13. „Pido“

Muusiga: Viljar Rosin

Sõna': Friedrich Reinhold Kreutzwald (tõlgõ Glen Kelp), Glen Kelp

Ettekandja: Analysis

14. „Hellüse kipõn“

Autori': Ülar Kõrge ja Margus Konnula

Ettekandja: Ülar Kõrge

15. „Kui sa, nii ma“

Viis: Urmet Arus

Sõna': Andreas Kalkun

Ettekandja': laul - Andreas Kalkun, klavessiin - Urmet Arus

Mano saa küsü:

Taisto Uuslail

Uma Laul III vidäjä

tel. 52 87 044

taistouuslail@gmail.com

Kae' ka: www.umapido.ee

umapido.wordpress.com

Pressiteedüsse and' edesi:

Mari-Liisa Parder

Uma Pido kommunikatsioonipäälük

mariliisa.p@gmail.com

Tel: 50 52 517